



ՀԱՂՈՐԴԱԳՐՈՒԹՅՈՒՆ

Մայր Աթոռ սուրբ Էջմիածնի դիվանը այսու լիազորված է հաղորդելու ի գիտություն մերազն ժողովրդյան, թե Ամենայն Հայոց կաթողիկոս Ս. Ս. Վազգեն Ա Հայրապետի օրհնությամբ առաջիկա սեպտեմբերի 25-ից մինչև հոկտեմբերի 2-ը հրավիրված Հայաստանյայց առաքելական եկեղեցու եպիսկոպոսական ժողովի օրակարգի հարցերը լինելու են՝

1. Հայ եկեղեցու ներքին միության ամրապնդում.
2. Հայ նահատակաց սրբացում.
3. Հայ եկեղեցու բարեկարգության հարցեր.
 - ա) Մաշտոցի կրճատում.
 - բ) Պահոց օրերի կրճատում.
 - գ) Պսակի արգիլյալ օրերի վերաքննություն.

4. Կուսակրոնության հարց.

5. Նզովքների վերացում.

6. Բոլոր եկեղեցիների հետ Զատիկը միևնույն օրում տոնելու հարց.

7. Աստվածաշնչի աշխարհաբար թարգմանություն.

8. Հայ եկեղեցին և Էկումենիզմը.

9. Հայաստանյայց եկեղեցու վերաբերմունքը՝ մարդկությանը հուզող և հատկապես աշխարհի խաղաղությունը ամրապնդող հարցերի նկատմամբ:

Մայր Աթոռիս առաջադրանքն է, որ մեր սուրբ եկեղեցու նվիրապետական Աթոռների գահակալները և բոլոր եպիսկոպոսները, միասիրտ ու միախորհուրդ, սուրբ Հոգու ներշնչմամբ և մեր ժողովրդի հոգևոր ու ազգային բարձր շահերի գիտակցությամբ, ժողովում քննարկման ենթարկեն վերոհիշյալ հարցերը և եզրակացությունները ներկայացնեն Ամենայն Հայոց Վեհափառ Հայրապետի նկատառման ու կանոնական տնօրինությանը՝ ի հարկին ազգային-եկեղեցական ժողովի գումարմամբ:

ԴԻՎԱՆ ՄԱՅՐ ԱԹՈՐԻ

14 հունիս 1989 թ.,

Ս. Էջմիածին